

*Qui non accipit crucem non est me dignus.
Qui recipit vos, me recipit.*

✠ Lécitio sancti Evangélii
secúndum Matthæum

10, 37-42

In illo témpore: Dixit Iesus apóstolis suis:

- ³⁷ «Qui amat patrem aut matrem plus quam me,
non est me dignus;
et, qui amat filium aut filiam super me,
non est me dignus;
- ³⁸ et, qui non áccipit crucem suam et séquitur me,
non est me dignus.
- ³⁹ Qui invénerit ánimam suam, perdet illam;
et, qui perdíderit ánimam suam propter me,
invéniet eam.
- ⁴⁰ Qui récipit vos, me récipit;
et, qui me récipit,
récipit eum, qui me misit.
- ⁴¹ Qui récipit prophétam in nómine prophétæ,
mercédem prophétæ accípiet;
et, qui récipit iustum in nómine iusti,
mercédem iusti accípiet.
- ⁴² Et, quicúmque potum déderit uni ex mínimis istis
cálicem aquæ frígidae tantum in nómine discípuli,
amen dico vobis:
Non perdet mercédem suam».

Verbum Dómini.